

卷四

脉訣



圖註八十一難經辨真卷之三

盧國 秦越人 述

四明 張世賢 註

三十七難

三十。七難曰五藏之氣於何發起通於何許。可曉以不然。五藏者。當上關於九竅也。故肺氣通於鼻。鼻和則知香。臭矣。肝氣通於目。目和則知黑白矣。脾氣通於口。口和則知穀味矣。心氣通於舌。舌和則知五味矣。腎氣通於耳。耳和則知五音矣。三焦之氣通於喉。喉和則聲鳴

矣。夫二句乃
潔耳所加



五藏在下九竅在上故曰上關九竅上者身之上也
九竅之諸家皆云陽竅七陰竅二次內為下次外
為上謂之上關九竅獨古云耳二目二鼻孔二口
一舌一喉一穴九竅也諸家之說皆以舌不為竅因
為得理殊不得越人之言且肝氣通於目至腎氣通
于耳正言五臟上關九竅也若以陽竅七陰竅二為
是本文心氣通於舌舌和則知五味二句無着落矣
若數舌為一竅其得十竅十八九竅不若潔古之言
尤為得理又況不遺本文上關九竅上字抑且親切
也五音宮商角徵羽也

五藏不和則九竅不通六府不和則留結為聚。

不和者邪居之也肺氣不和則鼻不知香臭肝氣不
和則目不知白黑脾氣不和則口不知穀味心氣不
和則舌不知五味腎氣不和則耳不知五音三焦不
和則喉不鳴利六腑為陽而主氣不和所氣不流通
停留結聚而為種矣

邪在六府。則陽脈不和。陽脈不和。則氣留之。氣留之。則陽脈盛矣。邪在五藏。則陰脈不和。陰脈不和。則血留之。血留之。則陰脈盛矣。陰氣太盛。則陽氣不得相榮。故曰格。陽太盛。則陰氣不得相榮也。故曰關。陰陽俱盛。不得相榮也。故曰關格。關格不得盡其命而死矣。

六脈屬陽。肌肉上爲陽脈。邪氣遊于六腑。則肌肉上之脈不和。陽爲氣而主外。肌肉上脈不和。則邪氣停留于皮膚。而不散。邪氣停留。陽脈于是而偏盛矣。五臟屬陰。肌肉下爲陰脈。邪氣在五臟。則肌肉下脈不和。陰爲血而主內。肌肉下脈不和。則血邪停留于肉理。血邪一留。陰脈于是而偏盛矣。格相也。內格則外脈不得入。所以偏陰留盛。則陽氣不得榮。故曰格。陽關閉也。外關則內脈不得出。所以偏陽獨盛。則陰氣不得榮。故曰關。陰內陽外三者俱盛。榮衛否塞。氣血不得相。是爲關格。失人之所以生者。氣血榮運。

也。氣血既不榮運，是以不得盡其而死也。

經言氣獨行於五藏，不榮於六府者，何也？然夫氣之行如水之流，不得息也。故陰脈榮於五藏，陽脈榮於六府。如環無端，莫不其紀，終而復始，而不覆溢。人氣內溫於

藏府外，濡於腠理。

夫當作人

氣之運行者，如水之流，不舍晝夜。故三陰之脈榮於五藏，三陽之脈榮於六府。氣血之行，陰而陽，陽而陰，如環之無端，莫知其盡。紀終于肝，始于肺，既終而又復始。覆者，諸陰不足，陽入乘之也。又人亦謂之覆溢者，諸陽不足，陰出乘之也。又上魚亦謂之溢。陰陽各安其常，則脈無覆溢之患。既不覆溢，人身之氣內則臟腑溫和，外則腠理潤澤。腠理者，毛孔文路也。

三十目
七難舌
五藏口
上關鼻
九竅耳
之圖喉

三十八難




肝九竅者目二舌二
心口一鼻孔二耳二
脾喉一是也二焦雖
肺不係五藏之列其
腎原起於腎間而出
入五藏者也。

三十八難曰藏唯有五府獨有六者何也然所以府有
六者謂三焦也有原氣之別焉主持諸氣有名而無形
其經屬手少陽此外府也故言府有六焉
三焦合氣于
腎腎為原氣

三十八難五臟六腑圖

之正三焦為原氣之別三焦主持一身之氣無狀而
 空有上中下之名其經屬手之少陽其腑不同各腑
 之在內而獨在于氣衝之分腑也者
 內焉五外焉六所以言腑有六也



三十九難

三十九難曰經言府有五。藏有六者何也。然六府者止有五府也。然五藏亦有六藏者。謂腎有兩藏也。其左爲腎。右爲命門。命門者。謂精神之所舍也。男子以藏精。女子以繫胞。其氣與腎通。故言藏有六也。府有六者何也。然五藏各一府。三焦亦是一府。然不屬於五藏。故言府有五焉。

腑五者。膽胃大腸小腸膀胱也。藏六者。肝心脾肺腎。命門也。命門之氣與腎相通。因其相通。其腑故同膀胱也。三焦亦是一腑。配合包絡。不與五藏相關。三焦非正腑。所以言腑有五也。



三十九難五臟六腑圖

四十難




四十難曰經言肝主色。心主臭。脾主味。肺主聲。腎主液。鼻者肺之候而反知香臭。耳者腎之候而反聞聲。其意何也。然肺者西方金也。金生於巳。巳者南方火。火者心。心主臭。故令鼻知香臭。腎者北方水也。水生於申。申者

西方金。金者肺。肺立聲。故令耳聞聲。

肝木也。木之華莠敷布五色。故肝主色。心火也。火之化物五臭出焉。故心主臭。脾土也。味自土生。故脾主味。肺金也。聲出於金。故肺主聲。腎水也。液主水。故腎主液。耳屬于腎。不為液而反能聞聲。果何如耶。蓋由肺屬西方金。金長生在巳。巳南方巳午未巳正火。臨官之地。火在臟為心。心主臭。鼻雖屬肺。肺金生于心。火之位。故令鼻知香臭。腎主北方水。水長生在申。申西方申戌申在金。臨官之地。金在臟為肺。肺主聲。耳雖屬腎。腎水主於肺。金之位。故令耳聞聲。

十四難發明耳聞鼻臭圖




此圖言五行左旋而屬陽者也。陰則以培胎之位爲受氣之位而右旋也。土則寄王四季。於辰戌丑未之月。各王一十八日。萬物所知所能。皆和長生之時。不在臨官帝王之位。

四十一難

四十一難曰肝獨有兩葉以何應也。然肝者東方木也。木者春也。萬物之始生其尚幼小。意無所親。去太陰尚近。離太陽不遠。猶有兩心。故今有兩葉亦應木葉也。

水為木父。王為木母。發生于春。當春之時。根芽甲萌動之始。其形尚幼小。而未太初生。獨立其意無別物所親。水土以資其生。所親者惟二物而已。自彼至此。謂之離。自此至彼。謂之去。太陰脾土也。太陽膀胱水也。肝之位居于右。在脾之下。而在膀胱之上。脾尤近肝。故口尚近水土。異處所以猶有兩心。因其兩心故有兩葉。亦應木之生也。肝凡七葉。今云兩葉者。左三葉為一葉。右四葉為一葉也。

圖人葉兩有肝難一十四



四十二難

四十。二難曰。人腸腎長短。受水穀多少各幾何。然胃大一尺五寸。徑長二尺六寸。橫屈受水穀三斗五升。其中常留穀二斗。水一斗五升。小腸大二寸半。徑八分。分之少半。長三丈二尺。受穀二斗四升。水六升三合。合之大半。迴腸大四寸。徑一寸半。長二丈一尺。受穀一斗。水七升半。廣腸大八寸。徑二寸半。長二尺八寸。受穀九升二合。八分合之一。故腸胃凡長五丈八尺四寸。合受水穀八斗七升六合八分。合之一。此腸胃長短受水穀之數也。胃會也。胃爲市。諸物會于此。腸暢也。通暢胃氣去滓。臟也。迴腸卽大腸也。因其迴曲以回爲名。廣腸者。臍

腸也

肝重四斤四兩。左三葉。右四葉。凡七葉。主藏魂。肝幹也。休藏有。

似枝幹故名曰肝。左三右四。陰多陽少也。魂者隨神往來也。

心重十二兩。中有七孔。三毛。盛精計三合。主藏神。心任

萬物而無巨計。十二兩重。上智之人。心有七孔。三毛。中智之人。心有兩竅。二毛。下智之人。心有七竅。一毛。常人心有二。教化毛。愚人心有一。竅一。愚七。心有竅甚小。盛精計三合。兩精相搏。謂之神。神紫精氣所化也。

脾重二斤三兩。扁廣三寸。長五寸。有散膏半斤。主裹血。

溫五藏。主藏意。脾俾也。俾助胃氣。上化水穀也。有散脂膏半斤。主裹血。所受穀味。分散以溫各

臟意者。心之所之也。



肺重三斤三兩六葉兩耳凡八葉主藏魄肺勃也其氣勃鬱也計三

斤三兩重六大葉二小葉凡八葉也兩耳即二小葉也並精出入謂之魄魄者精氣之區佐也

腎有兩枚重一斤二兩主藏志腎引也引水氣灌注諸脈也腎有兩枚在腰對

干臍左者為腎右者為命門志者意之所存也

膽在肝之短葉間重三兩三銖盛精汁三合膽敢也有果敢決斷

也主干肝之兩小葉間膽為清淨之腑不受穢污之物惟盛精汁三合

胃重二斤十四兩紆曲屈伸長二尺六寸大一尺五寸

徑五寸容穀二斗水一斗五升小腸重二斤十兩長

三丈二尺廣三寸半徑八分分之少半左迴疊積十六

曲容穀二斗四升水六升三合合之大半大腸重二斤

十二兩長二丈一尺廣四寸徑一寸當臍右迴疊積土
六曲盛穀一斗水七升半膀胱重九兩二銖縱廣九寸
盛溺九升九合口廣二寸半唇至齒長九分齒已後至
會厭深三寸半大容五合舌重十兩長七寸廣二寸半
咽門重十兩廣二寸半至胃長一尺六寸喉嚨重十二
兩廣二寸長一尺二寸九節肛門重十二兩六分八寸徑
二寸大半長二尺八寸受穀九斗三合八分合之一

紆卽曲也又訕也廣大圍也紆直也會厭吸門也舌
捷也捷干立言知味者也咽燕也咽通干胃而燕物
也喉嚨肺之系也其中空虛可以通氣之呼吸也肚
門卽廣腸也升斗合法宜在大容五合上推之尺寸
斤兩之法宜干
可身寸取之

